



Republika e Kosovës
Republika Kosova
Republic of Kosovo



Komuna e Kaçanikut
Opština Kaçanik
Municipal of Kaçanik

01Nr. 060/01-26930/24
Kaçanik, 22.10.2024

PROCESVERBAL

Nga mbledhja e I (parë) e jashtëzakonshme e Kuvendit të Komunës Kaçanik për vitin 2024 (Legjislatura e shtatë), mbajtur me 22.10.2024. Mbledhja u mbajt në katin e tretë të objektit të komunës, në sallën e kuvendit, në ora 11:00.

Nga përbërja e përgjithshme e Kuvendit të Komunës prej 27 anëtarëve, pjesëmarrës në mbledhje ishin 17 anëtarë. Në mbledhje munguan pa arsye 10 anëtarë: Agim Mani, Kadrije Lika-Troni, Burim Shehu, Naim Beça, Ernesta Krasniqi, Bashkim Luma, Arta Avdiu, Betim Shala, Arlinda Rakoci-Raka, Agim Çaka.

Nga Ekzekutivit i Komunës, në mbledhje morën pjesë: Kryetari i Komunës-Besim Ilazi, Nënkryetari i Komunës-Sabedin Vishi, Drejtorët e drejtorive: Zahir Doda-DA, Suhad Dullovi-DBPZHR, Dardana Tafili-Dauti-DAP, Sali Malsiu-DSHMS, ndërkaq nga zyrtarët në kuadër të detyrave të punës: Makfire Malsiu, Mavije Murseli.

Nga strukturat vendore mbledhja monitorohet përmes Teleprezencës nga Vjosa Ahmetaj-zyrtare në MAPL. Mbledhja ka transmetim të drejtpërdrejtë.

Mbledhjen e kryesoj, Kemal Murseli- Kryesues i Kuvendit
Procesmbajtës, Makfire Malsiu - Zyrtare e lartë për punë të KK.

Kryesuesi i Kuvendit, Kemal Murseli: Të nderuar pjesëmarrës, së pari iu përshëndes të gjithëve, iu dëshiroj mirëseardhje, konstatoj kuorumin, kushte pune me u mbajt mbledhja ka, e hapi mbledhjen e I (parë) të jashtëzakonshme të Kuvendit të Komunës, data 22.10.2024, me këtë:

REND PUNE

1. Propozim Vendimi për transferin-harmonizimin e mjeteve buxhetore në kategorinë e pagave dhe mëditjeve, për vitin 2024.

Rendin e punës e shtroj në votim dhe i njëjti u aprovua njëzëri. Në saje të kësaj del konstatimi së Kuvendi i Komunës

Aprovoj

Rendin e punës prej 1 pike.

Kalojmë në shqyrtimin e pikës:

1. Propozim Vendimi për transferin-harmonizimin e mjeteve buxhetore në kategorinë e pagave dhe mëditjeve, për vitin 2024.

Qëllimi i thirrjes së kësaj mbledhje është se mund të kemi vonesa në paga, kështu për me i anuluar këto, kjo ka ardhur si rezultat e procedurave përmbarimore, të cilat kanë prekur edhe kategorinë e pagave. Kjo seancë është thirrur me kërkesë të drejtorit, për harmonizim të programeve që mos të ndodhin vonesat e tilla, kështu po ia jap fjalën drejtorit të DBF, Bahri Selimi.

z. Bahri Selimi: Përkundër faktit se ne e kemi bërë planifikimin buxhetor edhe për paga, por ashtu siç e potencoj edhe kryesuesi, është kontrata kolektive në arsim që kanë filluar lëndët përmbarimore me u ekzekutuar. Jo si komunat tjera, në komunën tonë shuma prej 158 mijë euro është ekzekutuar sivjet, ka edhe shuma tjera kanë me u ekzekutuar, tani ka krijuar minuse të disa programe buxhetore. Vlerësimi të nën programet apo të drejtoritë është të arsimit fillor i mesëm i ulët, shuma prej 85 mijë euro, minus kemi të zjarrfikësit shuma 45 mijë euro, që nuk dalin mjetet për tetor, nëntor, dhjetor. Ndarja buxhetore për paga është e mjaftueshme, ne veç kemi marrë disa shuma të pagave në disa drejtori, për me i plotësuar këto drejtoritë tjera. Kemi marrë mjete në 10 nën programe buxhetore për me i plotësuar programet tjera. Të Zyra e KK, janë marrë 1,500.00€, DBF, shuma 2,500.00€, Infrastruktura rrugore, 10,000.00€, Bujqësia 6,700.00€ të pylltaria 8,800.00€, Administrata e arsimit 9,000.00€, Arsimi para fillor 18,000.00€, Arsimi i mesëm i lartë 35,000.00€, Shërbimet kulturore 8,000.00€, Shërbimet shëndetësore 38,100.00€. Krejt këto i kemi dërguar të nën programet ku nuk ka mjete si: Administrata e shëndetësisë, 1,000.00€, Çështjet gjinore 450.00 €, Zyra komunale për komunitete dhe kthim, 500.00€, Shërbimet sociale 5,640.00€, Zjarrfikësit dhe inspektimet 45,000.00€, Arsimit fillor i mesëm i ulët shuma 85,000.00€. Këtë vendim pasi të miratoni dhe pas analizave që janë bërë, nuk do të ketë nuk do të ketë mungesë të pagave të asnjë program buxhetor dhe nuk do të rrezikohet asnjë i punësuar në pagë në komunën tonë.

Kryesuesi i Kuvendit: E hapi diskutimin:

znj. Ardita Rrahmani: Duke ditur kjo seancë e jashtëzakonshme pse është thirrur, ne LDK të vetëdijshëm për përgjegjësinë që e kemi, për të cilën na kanë angazhuar qytetarët dhe na kanë besuar, sot jemi prezentë për me dëshmuar gatishmërinë tonë për me përkrahur gjithsecilin punëtorë që merr nga thesari i shtetit mjete dhe e kalon muajin me to. Ne jemi mos me u rrezikuar paga e askujt, ne jemi këtu edhe për me dhënë kritikën tonë, se unë e kam shprehur shqetësimin tim edhe në muajin e kaluar rreth kësaj problematike rreth ekzekutimit të pagave të çështja e kontratës kolektive, shqetësim ky të cilin e kam shprehur edhe në KPF, ku është përgjigjur drejtori edhe kryetari. Kjo është barrë e madhe për secilën komunë, pavarësisht nga kush udhëhiqet, është barrë që bie edhe të secilin anëtarë të KK. Unë shpresoj që niveli qendror me reflektuar me ua hequr këtë barrë komunave, se ju ka ra kjo përgjegjësi. Shpresoj në rishikim të buxhetit 2025, pavarësisht se është vit zgjedhor, me u bërë të gjithë bashkë dhe me votuar për ekzekutimin e mjeteve sipas kontratës kolektive. Shpresoj që duhet me gjetur unitet, kur kemi të bëjmë me atë se për çka jemi të thirrur, se ndonjëherë jo gjithçka është politike, e që sot mendoj se është ai moment. Nuk e di cili kishte me qenë arsyetimi të palët tjera, meqenëse arsyetime mund të ketë, por po shpresoj që ti thirrëmi ndërgjegjes secili, që mos të na ndodh si komuna që mbetën pa paga arsimtarët. Nuk e di faji i kujt ka qenë, por nuk jemi ne ata që duhet t'i prijme një çështje të tillë.

z. Rrustem Zenuni: E ceku edhe kolegia se është seanca e I e jashtëzakonshme e këtij viti, çështja për të cilën jemi thirrur, ne iu kemi përgjigjur pozitivisht ftesës për mbledhje. Këtë po e dëshmojmë edhe këtu, sepse qytetarët na kanë dhënë besimin që me qenë në shërbim të qytetarëve. Shpresoj mos të këtë probleme të kësaj natyre në të ardhmen.

Kryesuesi i Kuvendit: Diskutime të tjera nuk ka, atëherë kjo pikë u shtrua në votim dhe e njëjta u aprovua njëzëri. Prezentë 17. Në saje të kësaj del konstatimi së Kuvendi i Komunës mori këtë:

VENDIM

Për transferin-harmonizimin e mjeteve buxhetore në kategorinë e pagave dhe mëditjeve, për vitin 2024/ Lënda: 01Nr. 060/01-26984/24.

Mbledhja i përfundoj punimet në ora 11:15. Nga 27 anëtarë sa ka KK, prezentë në këtë mbledhje ishin 17 anëtarë të cilët qëndruan këtë mbledhje deri në fund. Në mbledhje munguan pa arsye 10 anëtarë të KK.

Procesmbajtës
Makfire Malsiu
Makfire Malsiu

